

se djelomično oslobodi od izdržavanja kazne zatvora za period u trajanju od 6 (šest) mjeseci.

NALAZI SE NA SLOBODI

Da se izrečena kazna zatvora zamijeni uslovnom osudom:

1. **Subašić Mario**, sin Rudolfa i majke Milice rođene Vuica, rođen 15.11.1967. godine u Zenici, nastanjen u ul. N.Š. Zrinskog bb, općina Busovača, Hrvat, državljanin BiH i RH. Presudom Kantonalnog suda u Novom Travniku broj: 06 0 K 003524 11 Kv od 27.04.2011. godine, za krivično djelo protiv života i tijela, ubistva u pokušaju, djelo opisano i kažnjivo po čl. 90. u vezi s čl. 33. st. 1. KZ RH, osuđen je na kaznu zatvora u trajanju od 3 (tri) godine, koja je potvrđena presudom Vrhovnog suda FBiH broj: 06 0 K 003524 11 Kž od 28.09.2011. godine. Da se izrečena kazna zatvora zamijeni uslovnom osudom sa periodom provjere u trajanju od 5 (pet) godina.

Ova Odluka stupa na snagu danom donošenja odnosno danom potpisivanja, a ista će biti objavljena u "Službenim novinama Federacije BiH".

Broj 01-05-300-02/13

03. aprila 2013. godine

Sarajevo

Predsjednik

Živko Budimir, s. r.

FEDERALNO MINISTARSTVO OKOLIŠA I TURIZMA

608

Temeljem odredbi članka 58., stav 8. Zakona o upravljanju otpadom ("Službene novine Federacije BiH", br. 33/03 i 72/09), ministrica Federalnog ministarstva okoliša i turizma donosi

PRAVILNIK

O IZMJENAMA I DOPUNAMA PRAVILNIKA O UPRAVLJANJU AMBALAŽOM I AMBALAŽNIM OTPADOM

Članak 1.

U Pravilniku o upravljanju ambalažom i ambalažnim otpadom ("Službene novine Federacije BiH", broj 88/11), u članku 6., u točki 6 u zadnjem retku iza riječi "u domaćinstvu" dodaju se riječi:

"Ambalaža koja sadrži ostatke opasnih materija i/ili je onečišćena opasnim materijama je otpad koji je naveden u listi otpada kao opasni prema Pravilniku o kategorijama otpada sa listama ("Službene novine Federacije BiH", br. 9/05) oznake 15 01 10*. Ovakva ambalaža sadrži sljedeće oznake:

- korozivno/nagrizajuće/nadražujuće/reaktivno
- zapaljivo/podržava gorenje
- otrovno/toksično
- eksplozivno/oksidirajuće
- štetno/opasno za okoliš
- otpuštanje otrovnih plinova
- kancerogeno/mutageno/infektivno".

Članak 2.

U članku 13. iza stavka 3. dodaje se novi stavak 4., i glasi:

"Obveze krajnjih snabdjevača, tj. trgovina, su da u sustav uključe proizvode vlastite robne marke i proizvode koje direktno uvoze. Za ostale proizvode koje prodaju su u obvezi da od proizvođača ili uvoznika ili distributera obezbijede dokaz da su svoju ambalažu uključili u sustav. U protivnom, su odgovorni da te proizvode sami uključe u sustav i da za iste plaćaju naknadu".

Članak 3.

U članku 15., u stavak 3., riječ "države se" briše i glasi:

"Federacije BiH, u ukupnom iznosu od 5000 t, i minimalnim osnivačkim kapitalom od 100 000 KM. Udio

pojednog osnivača ili više osnivača koji pripadaju istoj grupaciji u osnovnom kapitalu operatera sustava neće prelaziti 33%".

U članku 15. dodaju se "st." 6. i 7., i glase:

- Vlasništvo nad operaterom mora biti strukturirano na način da se izbjegne sukob interesa sa pravnim i fizičkim licima koji mu pružaju usluge i koji od njega primaju finansijsku nadoknadu. Vlasnicima operatera sustava, članovima uprave i uposlenicima nije dozvoljeno da rade u interesu pravnih ili fizičkih lica koji se bave upravljanjem otpadom, a naročito upravljanjem ambalažnim otpadom.
- Operater sustava mora ispunjavati uvjete i kriterije u pogledu kadrova i radnog prostora za obavljanje aktivnosti, kako slijedi:
 1. imati u stalnom radnom odnosu najmanje tri (3) zaposlenika sa visokom stručnom spremom i sa punim radnim vremenom, uredno prijavljenih kod nadležnih organa i za koje se redovno izmiruju doprinosi i zdravstveno osiguranje.
 2. imati najmanje 50 m² radnog prostora u vlasništvu ili zakupu za obavljanje djelatnosti.

Članak 4.

U članku 17., stavak 1., iza riječi "dozvole za" dodaju se riječi: "operatera sustava za"

U članku 17. stavak 2., iza točke 4., dodaju se nove toč. 5., 6., i 7., koje glase:

- 5) dokaz o vlasništvu poslovnog prostora ili ugovor o zakupu poslovnog prostora,
- 6) ovjerene kopije diploma o visokoj stručnoj spremi za kadrove,
- 7) dokaz o prijavi zaposlenih u Federalnom zavodu za mirovinsko/penzijsko i invalidsko osiguranje i zdravstveno osiguranje.

Dosadašnja točka 5. postaje točka 8.

Članak 5.

U članku 18., stavak 1., dodaje se alineja 5 i glasi:

- Ako broj subjekata koji imaju potpisan ugovor sa operaterom sustava padne ispod 30 ili ako godišnja količina ambalaže sa kojom upravlja operater sustava padne ispod 30.000 tona ili se promijeni bilo koji od uvjeta propisanih člankom 17. na temelju kojeg je dobijena dozvola.

Članak 6.

U članku 19., stavak 1. iza riječi "operateru sustava" dodaju se riječi "i Fondu".

Članak 7.

U članku 21. stavak 6. iza riječi "naknada" dodaju se riječi: "i voditi evidenciju svih obveznika sustava".

U članku 21. dodaju se se novi "st." 7. 8. i 9., koji glase:

"Rješenje iz članka 21. stavak 6. Fond donosi u roku od 60 dana po dostavljanju validnog izvješća od obveznika plaćanja naknada."

"Rješenje iz stavka 6. Pravilnika sadrži konačan obračun iznosa naknade za prethodni obračunski period kao i rokove plaćanja naknade".

"Svi obveznici sustava plaćaju evidentirajuću naknadu u iznosu 0,002 KM po kilogramu ambalaže Fondu za administrativne troškove provođenja ovog Pravilnika. Operater sustava plaća evidentirajuću naknadu za sve svoje obveznike Fondu jednom godišnje prilikom podnošenja godišnjeg izvješća."

Članak 8.

U članku 23., stavak 3., iza riječi "otpadom", dodaju se riječi: "Fond će planirati namjenski utrošak sredstava planom na godišnjem nivou usaglašeno sa ministarstvom".

Članak 9.

Članak 25., se briše i glasi:

"Za primjenu ovog Pravilnika primjenjivat će se kaznene odredbe u skladu sa čl. 52. i 53. Zakona o upravljanju otpadom, i drugih posebnih propisa".

Članak 10.

Članak 26., mijenja se i glasi:

"Nadzor nad primjenom ovog Pravilnika provoditi će inspektori zaštite okoliša i tržišni inspektori Federalne uprave za inspekcijske poslove.

Vlada Federacije BiH će svojom odlukom uspostaviti Koordinaciono tijelo za praćenje implementacije Pravilnika.

U radu Koordinacionog tijela učestvuje po jedan predstavnik iz:

- Federalnog ministarstva okoliša i turizma,
- Fonda za zaštitu okoliša Federacije BiH,
- Federalne uprave za inspekcijske poslove i
- operatera sustava koji imaju dozvolu Federalnog ministarstva okoliša i turizma."

Članak 11.

Prilog II, mijenja se i glasi:

Tabela 1. Registariski podaci obveznika plaćanja naknada

REGISTARSKI PODACI OBVEZNIKA PLAĆANJA NAKNADE ZA AMBALAŽU I AMBALAŽNI OTPAD			
1.	OSNOVNI PODACI O PRAVNOM LICU		
1.1	Puni naziv pravnog lica		
1.2	Kanton / Entitet		
1.3	Grad		
1.4	Poštanski broj		
1.5	Ulica i broj		
1.6	Telefon i faks		
1.7	E-mail		
1.8	Web		
1.9	Identifikacioni broj (ID)		
1.10	PDV broj (ukoliko je registrovan u sistemu PDV-a)		
1.11	Naziv i šifra djelatnosti		
2.	KATEGORIJA PRAVNOG LICA		
2.1	Proizvođač		
2.2	Uvoznik		
2.3	Punioc i/ili Paker		
2.4	Distributer		
2.5	Operater		
3.	PODACI OVLAŠTENOG LICA KOJE PREDSTAVLJA PRAVNO LICE		
3.1	Ime i prezime		
3.2	Funkcija		
3.3	Telefon i e-mail		
4.	PODACI O PRAVNOM LICU NA KOJE JE PRENESENA OBAVEZA UPRAVLJANJA OTPADOM		
4.1	Puni naziv pravnog lica		
4.2	Registariski broj pravnog lica		
4.3	Telefon i e-mail		

Izjava: Pod punom materijalnom i krivičnom odgovornošću izjavljujem da su svi podaci navedeni u izvještaju istiniti, a količine tačne ili procijenjene u skladu sa važećom zakonskom regulativom.

Ime i prezime ovlaštenog lica:

Žig:

Potpis ovlaštenog lica:

Mjesto i datum:

Tabela 2. Količine i vrste ambalaže za obračunsku godinu
KOLIČINE I VRSTE AMBALAŽE I AMBALAŽNOG OTPADA ZA _____ godinu

Vrste ambalaže		Papir i karton (t)	Plastika (t)	Drvo (t)	Metal (t)	Višeslojni materijal /kompozitni/ (t)	Ambalaža koja sadrži ostatke ili je onečišćena opasnim materijama (t)	Staklo (t)
Šifra ambalaže		15 01 01	15 01 02	15 01 03	15 01 04	15 01 05	15 01 10*	15 01 07
1	Ukupne količine za BiH	Ukupno uvezeno						
2		Ukupno proizvedeno						
3		Ukupno izvezeno						
4	Nepovratna ambalaža	Plasirano na tržište F BiH						
5		Plasirano na tržište RS						
6		Plasirano na tržište BD						
7	Povratna ambalaža	Plasirano na tržište F BiH						
8		Plasirano na tržište RS						
9		Plasirano na tržište BD						

NAPOMENA:

Izjava: Pod punom materijalnom i krivičnom odgovornošću izjavljujem da su svi podaci navedeni u izvještaju istiniti, a količine tačne ili procijenjene u skladu sa važećom zakonskom regulativom

Ime i prezime ovlaštenog lica:

Žig:

Potpis ovlaštenog lica:

Mjesto i datum:

POJAŠNJENJE

Obračun naknade se vrši samo za količine ambalaže prvi put stavljene na tržište Federacije Bosne i Hercegovine.

1. Ukupna količina ambalaže **uvezena** u predmetnoj godini na teritoriju Bosne i Hercegovine
2. Ukupna količina ambalaže **proizvedena** u predmetnoj godini na teritoriju Bosne i Hercegovine
3. Ukupna količina ambalaže **izvezena** u predmetnoj godini sa teritorije Bosne i Hercegovine
4. Ukupna količina **nepovratne** ambalaže **plasirana** na tržište Federacije BiH za koju se vrši obračuna naknade
5. Ukupna količina **nepovratne** ambalaže **plasirana** na tržište RS-a
6. Ukupna količina **nepovratne** ambalaže **plasirana** na tržište BD-a
7. Ukupna količina **povratne** ambalaže **plasirana** na tržište Federacije BiH
8. Ukupna količina **povratne** ambalaže **plasirana** na tržište RS-a
9. Ukupna količina **povratne** ambalaže **plasirana** na tržište BD-a

Članak 12.

U Prilogu III, u Tabeli 2., na kraju tabele dodaje se novi red i glasi:

Ambalaža koja sadrži i/ili je onečišćena opasnim materijama	5,00
--	------

U prilogu III, rečenica: "Specifični ciljevi će se odrediti krajem 2013. za naredne godine", se briše i glasi: "Tabela 3., sadrži specifične ciljeve i primjenjivat će se od 01.01.2014. godine".

Tabela 3. Specifični ciljevi

Vrsta ambalaže	Minimalna količina (%) koju treba iskoristiti ili reciklirati po godinama		
	2014.	2015.	2016.
Staklo	5	8	12
Metal	4	6	10
Papir	20	25	30
Plastika	8	12	16
Drvo	5	8	12
Višeslojni i ostali materijal	5	8	10
Ambalaža koja sadrži i/ili je onečišćena opasnim materijama	5	8	10

Članak 13.

U članku 27., dodaje se novi stavak 4., i glasi: "Neuključenje proizvođača ambalažnog materijala, uvoznika, punioca, pakera, distributera i krajnjeg snabdjevača znači akumuliranje zakonskih obaveza i njihovo retroaktivno ispunjavanje od dana donošenja Pravilnika tj. od prve godine u kojoj je postavljen opći cilj za iskorištenje i reciklažu ambalažnog otpada."

Članak 14.

Ovaj Pravilnik o izmjenama i dopunama Pravilnika o upravljanju ambalažom i ambalažnim otpadom stupa na snagu osmog dana od dana objavljivanja u "Službenim novinama Federacije BiH".

Broj 04-23-1818/10
05. travnja 2013. godine
Sarajevo

Ministrica
Branka Đurić, v. r.